

UTLYSING AV MIDLAR TIL INNOVASJON I HELSE VEST

FØRINGAR FOR SØKNADER OM REGIONALE MIDLAR

Hausten 2023

INNHALD

Utlysing av midlar til innovasjonsprosjekt i helse vest	2
Prioriterte område 2023 - 2024.....	2
Søknadskategoriar.....	4
Vurderingskriterier	5
Søknadsbehandling	5
Kven kan søke	5
Finansiering og institusjonell forankring	6
Brukarmedverknad	7
IKT og arkitektur	7
Obligatoriske element og vedlegg.....	7

UTLYSING AV MIDLAR TIL INNOVASJONSPROSJEKT I HELSE VEST

Helse Vest RHF lyser ut inntil 16 millionar kroner til innovasjonsprosjekt i 2022. Fristen for å søke om midlar til innovasjonsprosjekt er **17. oktober 2023, kl. 13.00**.

Frist for leiarforankring er **19. oktober, kl 16.00**.

PRIORITERTE OMRÅDE 2023 - 2024

[Helse2035](#), Helse Vest sin regionale utviklingsplan, og [Nasjonal helse og sjukehusplan 2020-2023](#) ligg til grunn for dei prioriterte satsingsområda for utlysinga hausten 2023. I åra framover vil etterspurnaden etter helsetenester auke, samtidig som det økonomiske handlingsrommet og talet helsepersonell ikkje vil auke i same grad.

Helse Vest vil prioritere prosjekt som legg vekt på gevinstar for helsetenesta i form av ei meir optimal organisering, ressursbruk og/eller reduserer behovet for vekst i helsepersonell, og gjerne med potensial for regional skalering.

Det vil i nokon grad bli lagd vekt på ei spreiding av innovasjonsprosjekt i ulike delar av regionen og innan dei ulike satsingsområda.

Prioriterte satsingsområde

Helse Vest RHF vil prioritere søknader som omhandlar eit eller fleire av desse satsingsområda (gjeld ikkje for innovasjonar med eit kommersielt potensial):

- **Pasientar og pårørnde si helsekompetanse og medverknad**
Løysingar som involverer pasient og pårørnde som aktive deltakarar i utforminga av eigen helsehjelp, aukar helsekompetansen og deira føresetnadar for eigen meistring.
- **Berekraftig utvikling**
Løysingar som utviklar eller nyttar nye arbeidsformer, betre oppgåvefordeling, ny og betre bruk av teknologi, som bidreg til auka berekraft i helsetenesta. I denne kategorien er prosjekt knytt til heilskaplege modellar for digitale helsetenester særleg relevante.
- **Samhandling**
Løysingar som sørgjer for ny og betre samhandling mellom føretak, kommune og/eller brukarar av helsetenester.
- **Redusere overdiagnostisering og overbehandling (uønska variasjon)**
Innovative løysingar og tenesteinnovasjon som mellom anna bidreg til å redusere overdiagnostisering og overbehandling.

Prosjekta/tiltaka kan vere nye eller allereie i gang.

Prioriterte pasientgrupper

Helse Vest er særleg opptatt av søknadar som omhandlar dei fire prioriterte pasientgruppene i Nasjonal helse og sjukehusplan;

- Personar med alvorlege psykiske lidningar og rusproblem,
- barn og unge,
- personar med fleire kroniske sjukdommar, multisjuka
- skrøpelege eldre (NHSP).

Samarbeid med Kreftforeningen – øymerka midlar til innovative løysingar innan kreft

I samarbeid med Kreftforeningen er det sett av øymerka midlar (inntil 4 – 5 millionar kroner) til nye innovasjonsprosjekt og idéoverføringar innan kreft.

Kreft er ei av dei 5 målretta samfunnsoppdraga (Missions) som EU har identifisert som særleg viktige samfunnsutfordringar; [EU Mission: Cancer \(europa.eu\)](https://eumissionscancer.eu)¹ i perioden 2021 – 2027.

Sett i lys av at kreftpasientar er ei stor og aukande pasientgruppe, og at stadig fleire også lever lengre med kreft, er dette eit område det er ønskeleg å stimulere til meir innovasjon og tenesteinnovasjon. Kreftforeningen si pasientundersøking syner mellom anna at det er særleg i overgangane mellom tenestene at det er behov for betre løysingar og meir tenesteinnovasjon.

Alle dei prioriterte satsingsområda er aktuelle tema for søknadar til dei øymerka midlane.

I tillegg vil Helse Vest leggje vekt på prosjekt:

- som har samarbeid med fleire helseføretak i regionen, der dette er relevant
- som har samarbeid med kommunar, der dette er relevant

Dersom de har planar om å søke finansierings frå andre finansieringskjelder, så vil dette kunne styrke søknaden.

Innovasjonar med eit kommersielt potensial

For forskingsbaserte innovasjonar og innovasjonar med eit kommersielt potensial er det ingen tematiske føringar eller prioriterte pasientgrupper.

¹ [EU Missions](https://eumissionscancer.eu) are a new way to bring concrete solutions to some of our greatest challenges. They have ambitious goals and will deliver tangible results by 2030. They will deliver impact by putting research and innovation into a new role, combined with new forms of governance and collaboration, as well as by engaging citizens. EU Missions are a novelty of the Horizon Europe research and innovation programme for the years 2021-2027.

SØKNADSKATEGORIER

Det lysast ut midlar i to søknadskategoriar.

1. Nye innovasjonsprosjekt

Prosjekt som gjennomførast for første gang og ved eige helseføretak (prosjekteigar). Det kan søkast om midlar til nye idéar, eller prosjekt som allereie har starta opp.

Maks stønad frå Helse Vest RHF er 1,2 millionar kroner i denne kategorien. Dersom prosjektet er i ei tidleg fase kan det vere tenleg å søke om eit mindre stønadsbeløp (gjeld også for produktinnovasjon). *For å kvalifisere til maks stønad i denne kategorien må det vere samarbeid mellom minst to helseføretak i Helse Vest (gjeld ikkje for produktinnovasjon).*

2. Idéoverføring

Det kan søkast om prosjektmidlar til å adoptere gode innovasjonsløyningar som har vist seg å vere vellykka i andre sjukehus/helseføretak, anten i Helse Vest regionen eller nasjonalt/internasjonalt. Dette er eit verkemiddel for å spreie gode innovasjonar/løyningar som allereie er teke i bruk i helsetenesta.

I søknaden skal de gjere greie for kvifor de vil adoptere akkurat denne løyninga, kva for gevinstar de forventar, og korleis de vil samarbeide med organisasjonen de skal adoptere løyninga i frå. Maks stønad frå Helse Vest RHF er 400 000 kroner i denne kategorien.

Prosjektkategoriar		
Type stønad	Nye innovasjonsprosjekt	Idéoverføring
Maks stønad frå Helse Vest	Inntil 1,2 millionar kroner	Inntil 400 000
Prosjektperiode	Inntil 24 månader	Inntil 18 månader

Det er viktig at prosjekta har god strategisk forankring i sjukehuset/føretaket for å auke sannsynet for at løyninga blir teke i bruk, om innovasjonsprosjektet er vellykka. Det er obligatorisk med minimum 20 % eigenandel av prosjektet sine totale kostnader frå prosjekteigar/partnarar. Dersom de søker Helse Vest om 1,2 millionar kr, vil minimum eigenandel (gjærne som eigeninnsats i form av frikjøp av personalressursar) frå prosjektgruppa vere 300 000 kr. For idéoverføring er tilsvarande beløp minimum 100 000 kr om de søker Helse Vest om 400 000 kr i stønad.

Midlar skal nyttast innanfor ei projektramme på to år i kategorien nye prosjekt og innanfor 18 månader i kategorien idéoverføring. Prosjekta må starte opp i løpet av dei første fire månadane etter tildeling.

VURDERINGSKRITERIER

Søknadane vil bli vurdert ut frå følgjande kriteria (sjå prosjektmalar for ei nærmare skildring av vurderingskriteria – *les desse nøye i prosjektmalen før de planlegg prosjektsøknaden*);

Nye prosjekter ved eige helseføretak

1. Relevans for satsingsområda (10 %)
2. Kvalitet (innovasjonshøgde, innovasjonsmetodikk og kunnskapsbehov (30 %)
3. Gevinstar for pasientane, tenesta, samfunnet og plan for å realisere gevinstane (30 %)
4. Gjennomføring av prosjektet (30%)

Idéoverføring - vurderingskriteria

1. Relevans for satsingsområda (10 %)
2. Innovasjonshøgde og kunnskapsbehov (30 %)
3. Gjennomføring av prosjektet (30 %)
4. Gevinstar og nytte for pasientane og helsetenesta (30%)

Det vil bli nytta ein skala frå 1 – 6 for dei fire kriteria. Det blir satt ein samla karakter for søknaden.

SØKNADSBEHANDLING

Søknadane blir behandla av ein regional komité der rundt halvparten av medlemmane er eksterne evaluatarar og rundt halvparten frå Helse Vest RHF. I tillegg vert representantar frå Regionalt brukarutval invitert til å deltarepresentant og konserntillitsvalde delta i komitéen.

Leiarmøtet i Helse Vest RHF vil avgjere den endelege fordelinga på bakgrunn av komitéen sitt arbeid. Ved tildeling vil det bli lagt vekt på å oppnå ei spreing av prosjekt i ulike delar av regionen og innan dei ulike satsingsområda.

KVEN KAN SØKE

Prosjektleiari må ha si hovudstilling i eit helseføretak i Helse Vest eller ved ein privat ideell institusjon/sjukehus som har driftsavtale med Helse Vest RHF. Søknaden må fremmast gjennom institusjonen som har høve til å søke.

Prosjekt som allereie har motteke stønad frå Helse Vest si innovasjonsutlysing, kan søke om midlar dersom dette inneber ei vesentleg vidareutvikling av prosjektet. Om de tidlegare har motteke midlar til same prosjekt, skal dette gjerast greie for i søknaden.

FINANSIERING OG INSTITUSJONELL FORANKRING

Det er viktig at prosjektet har god strategisk forankring i sjukehuset/føretaket for å auke sannsynet for at løysinga blir teke i bruk, om innovasjonsprosjektet er vellykka. Difor er det obligatorisk med ein eigenandel på minimum 20 % frå prosjekteigar/deltakarane av prosjektet sitt totale budsjett. Søknad og det totale prosjektbudsjettet skal godkjennast av leiar/klinikkdirektør i søknadsportalen eSøknad.

Frist for institusjonell leiarforankring er **kl 16.00, 19. oktober 2023**

Det blir automatisk sendt ein e-post til forankringsansvarleg i føretaket, som skal godkjenne søknad og budsjett. Merk at søknaden ikkje blir rekna som fullført før det føreligg ei stadfesting på at forankring er motteke av Helse Vest RHF.

Kva kan støttast?

Personalrelaterte kostnader, kjøp av tenester, utgifter til utstyr/driftskostnader kan støttast. *Utgifter til utstyr kan berre utgjere 30 % av kostnadene.* Søknadsbeløpet skal spesifiserast i budsjettmodulen i eSøknad. Budsjettet skal samsvare med definerte milepålar, aktivitetar og innhald.

Finansieringsplanen skal opplyse om direkte kostnadar knytt til aktivitetane som ein søker støtte til, eigeninnsats (timetal x timesats), anna finansiering og søkt beløp frå Helse Vest RHF. Totalsummen for kostnadane skal være lik totalsummen i finansieringsplanen.

Stønad til eksterne samarbeidspartnarar

Dersom ein samarbeider med kommunar, næringsliv, academia eller forskingsinstitutt er det ein føresetnad at desse partane også bidreg med eigne ressursar i prosjektet, i tillegg til at inntil 20 % av stønaden frå Helse Vest kan nyttast til dei eksterne aktørane. Samarbeidet skal skildrast i søknaden. Me anbefaler at de lagar ein samarbeidskontrakt som gjer greie for dei ulike aktørane si rolle, oppgåver, kompetanse og rettar i prosjektet.

Dersom løysinga har eit kommersielt potensial bør de opplyse om samarbeid med den TTO-en (Technology Transfer Office) som helseføretaket har avtale med.

Samarbeid med næringsliv og reglement for anskaffingar

Helse Vest forventar at de kontaktar **Sykehusinnkjøp HF Vest** med tanke råd og rettleiing om eventuell marknads- og leverandørkontakt før de søkar midlar frå Helse Vest. Sykehusinnkjøp vil kunne rettleie korleis ein skal gå fram for å finne relevante samarbeidspartnar frå næringslivet, også med tanke på ei eventuell anskaffing i etterkant av eit samarbeid.

BRUKARMEDVERKNAD

Det skal gjerast greie for i kva grad brukarar (pasientar, pårørande, helsepersonell) er involvert i planlegging, gjennomføring, formidling og/eller evaluering av prosjektet.

Veileder for brukermedvirkning i helseforskning i spesialisthelsetjenesten (mai 2018) kan og nyttast i utvikling og gjennomføring av innovasjonsprosjekt.

IKT OG ARKITEKTUR

Dersom det skal innførast eller utviklast nye IKT-løysningar i eit prosjekt, bør søkarar innhente vurderingar om korleis løysningane skal kunne virke i samanheng med eksisterande infrastruktur i Helse Vest. Ta først kontakt med lokalt arkitekturansvarleg i føretaket, før du ev. kontaktar Helse Vest IKT. Helse Vest IKT kan vere ein av samarbeidspartnarane i prosjektet. Dette må avklarast med Helse Vest IKT i forkant av søknaden.

Dersom løysinga i prosjektet inneheld bruk av digitale løysingar/skjema, bør dette avklarast med lokalt EPJ-senter for å sikre at du vel ei løysing som eignar seg for akkurat ditt prosjekt. EPJ-senteret kan ved behov drøfte saken med [skjemagruppa for digitale kliniske skjema i Helse Vest IKT](#).

OBLIGATORISKE ELEMENT OG VEDLEGG

Søker har sjølv ansvar for at innsendt søknad er fullstendig og i tråd med søknadskriteria, samt at søknadsskjema er korrekt fylt ut og at obligatoriske vedlegg er lasta opp. Ein ufullstendig søknad, eller ein søknad som ikkje overheld **formatkrav**, vil bli avvist. Dersom det søkast om meir enn maksimalt støttebeløp frå Helse Vest vil søknaden bli avvist.

Følgande obligatoriske dokument skal sendast inn:

- Søknadsskjema i søknadsportalen eSøknad
- Prosjektskisse iht. malar som vedlegg i søknadsportalen eSøknad og på nettsidene:
 - **Mal for prosjektskisse - nye innovasjonsprosjekt** - maks 4 sider
 - **Mal for prosjektskisse - idéoverføring** - maks 3 sider

Det er berre desse dokumenta som skal lastast opp. Ytterligare vedlegg blir ikkje vurdert.

Spørsmål kan rettast til følgjande kontaktpersonar

Helse Vest RHF

Kari Birgitte Wiig, rådgivar i Helse Vest RHF, Kari.birgitte.wiig@helse-vest.no

Carina Mæland, seniorrådgivar Helse Vest RHF, carina.paulsen.meland@helse-vest.no

Lena Forgaard, ansvarleg innovasjon Helse Vest RHF, lena.forgaard@helse-vest.no

Sykehusinnkjøp HF

Bjarte Wetteland, Sykehusinnkjøp HF, leiar IKT og bygg, bjarte.wetteland@helse-vest-innkjop.no

Helse Vest IKT AS

innovasjonssamarbeid-HVIKT@helse-vest-ikt.no